



Сочинениела тема:

**«Наб бег1лара
дигахъуси
писатель,
Г1ях1мадхан
Абу-Бакар»**

Хуршнила школала

9^{ибил} классла ученица

Г1ябдусаламова Пат1имат.

**Дерхъаб х1ечи, хъу дерхъаб
Сях1батла яргализиб,**

Даим х1у зайиклесли

Нушала г1ямрулизив!

**РУКОВОДИТЕЛЬ:
Г1ЯБДУРАЗАКЪОВА Р. М.**

2017 ДУС

Мургъила хатли луклул

Дуруб буцибти тулбар,

Дила гярбуклан уста,

Бургъабгу хела гъунар!

Нушала ватлан, Дагъистан, лебтанилра балули давлачебси саби ахъти дубуртачибли, бахъал миллатла адамтачибли, культураличибли, гядатуначибли. Илкъяйдали давлачебси саби ил поэтуначибли ва писательтачибли. Илди нушала дубуртар улкализиб бахъал саби. Лебилра илди нушала улкала давла саби, Дагъистан машгъурбарибси дурала улкназибра.

Чили хлевала Хлурхъан Батирай? Илала лергер пергерти далуйти хледалуси хлергар нушала ургав. Чумра жагъил гулухъали делчундиэс илди хлябкубти гянтликла рурсбас. Иличил барх бурес вира гярбуклан Мунги Гяхмад ва Сукъур Къурбан. Валехле нушани Хямзат Цадасара илала урши Расул Хямзатовра, чула назмуртали Дагъистан дурала улкназибра машгъурбарибси. Валехле нушани Къахлаб-Россолан Мяхмамудра, сунесра Н. Тихонов «Кавказла Блок» виклуси. Лебилра Дагъиста писательтачила ишаб буресра хейрар, илди илцадра бахъал саби.

Ну разили сарра писательтачибли ва поэтуначибли дила биштлаци Дахадаевла районра давлачебли биъниличичи. Илди лебилра наб дигахъис. Дуки-гъунила мераначи рашухтели, кайсули рирус Сулайбан Радановла, Расул Бяхмаммадовла, Амир Гъазила, Мяхмаммадрасул Расуловла, Мяхмаммад Абакаровла ва цархилти писательтала жузи. Илди жузи нуни бархли ахъайчи иштяхличил дучули рирус.

Машгъурли саби писательтачибли нушала районнизибси Гярбукла шира. Лебтанилра вала Мунгила Гяхмад. Делчун илала назмурти, чузирра гъалабла мискин гямруличичи лягнат буршути, хъунул адам ахъурцути.

Лебилра писательтазивад наб декларварес дигулра Гяхмадхан Абу-Бакар. Ну риклес рирус ил наб беглара дигуси писатель сай илира. Ил аклубси сай ахъти дубуртизи мерлабиубси, машгъурси ,мургъи-арцла някъиш дирути устни хлербируси Гярбукла шилизив, мургъи-арцла устала

хъалибарглизив 1931 ибил дуслизив декабрьла 12 личив. Илала дурх1ядешра дебали разити ах1енри. Дургъбала заманари илала дурх1ядеш. Нешлис кумекбирули, бишт1ати рузби ва узи гашали х1еббк1ахъес гъазалири. Вишт1али левалли ил мургъи-арцла сек1улта виркъес бурсисири, амма г1ур илини ил сунела саниг1ят бархъбатурли поэзиялизи ахъиб. Илгъуна барниличи пашманиэсра г1яг1нили ах1ен, сенах1енну илини ак1ахъуб мургъиличирра дурхъати произведениеби.

Илини Уркухъла шилизисси школа таманаиб ва сунела белч1уди даимбариб. Белч1уди даимбариб илини Москвализисси литературный институтлизиб. Илав уч1ух1елира ил акъули кайили ах1енри. Илини арцлизирад дирули т1улукми ва кулукми къац1лис дарсдирули х1еркайрулри.

Бег1 гьалар ну тянишриубра Г1ях1мадхан Абу-Бакарла произведениебачил бех1бихъудла классуназир. Илини делк1унти бишт1а дурх1нас назмурти «Ванза» ва «Ват1ан» нуни гъаннара урк1иличир далас. 5-ибил класслизир ну тянишриубра илала пьесаличил «Умц1усини бургу», г1ур «Нешла бек1аличил». Ил хабарлизиб писательли нушаб чедиахъули сай гъалабла замана мискин халкъла къиянти г1ямруличила. Неш ребк1или г1елаб кавлули саби к1ел бишт1а узира илдала рузира. Гашали х1еббк1ес илди садакъа бучес башулил ва ахирра вахъх1и дурав калунси илдала дудеш чарулхъули сай. Ил хабарлис хъарахъудли дирули сари «Жавгъар» ва «К1ел узи» дик1ути хабурти. Гашазиб ва къиянтазиб халабаибти к1елра узис талихла г1ямру гибси чула Ват1айчиб дурхъаси селра агара, иличи бак1ибси балагъ илдани чучи гъамадли, вас-васъала агарли чекайсуйли саби. Сагати г1ямрули гибси лаззатлис илдани чула жан ах1ерадирули ах1ен.

Илала лер произведениеби бишт1а дурх1нас делк1унти, масхара бух1набуцибти, лер гьаларла къиянти мискин адамтала г1ямруличила, сарира адан мурхъли г1ямруличила пикриулхъихъути. Нуни беч1унра писательла «Дила игъбарла барх1и» бик1уси жуз. Ил жузлизир дахъал лер дурх1нас багъишладарибти дишт1а хабурти, чузира дукелц1и дух1надуцибти. Илди хабурти х1ясибли, нушала школализиб буч1анти дурх1нани, к1иибил классличир бех1бихъили вец1ну цараличи абаайчи, сценкаби чедаахъиб. Гъарил ученикли сунела роль г1ях1ил бузахъулири ва иштях1личил бут1акъяндеш дирулри. Илдачи х1еррик1ух1елира, дила урк1и пахрули бирц1улири писательличи, илдигъунти произведениеби ак1ахъубси.

Москвализив уч1ули левай илала назмуртала цаибси жуз «Г1янруч1» дураиб. Илини писательлис машгъурдеш х1ехиб бик1ули саби. Нуни аргъес

рирули ахленра сен илкъяйда биклутил, наб Абу-Бакарла назмуртира дигахъис. Назмуртала машгурдеш хлехиб биалра илала повестунани, хабуртани, романти илис халаси машгурдеш хиб. Ну тянишриубра ишдус «Магыла къалиян» хабарличил. Наб ил дебали гляхбизур. Илар нушагъунти дурхлас чедиахъули сари дунъяла халкъани-ургарти гьалмагъдеш. Нушани чейула сен-сен Даниялизивадси Луис урхъулизи каркулил, глярбукла устнани бархъибси къалиян берцахъес багъандан. Иличибли писательлис бурес дигули сай марти гьалмагъдешли сегъуна-дигара балагъ бяхляэс бирниличила.

Поэтли адамла глямру жура-журала шайчир чедиахъули сай. Сунела произведениебазиб илини чебиахъули сай мяштла игитунни ва инкарла игитунни, чедиахъули сари мицлирагличи ва тлабиглятличи диги, чебиахъули саби гьаларла дуркъа глядатуначи къаршили кабизурти адамти. Илала произведениеби хлясибли нушаб чедаэс дирула пачала хлукуматла заманала глямру ва Совет хлукуматла заманала глямру. Илала роизведениебазибти геройтира разили саби глямрулизир кадиркути дарсдешлумачи, разили саби къиян халкъла азаддешличи, разили саби халкъани-ургарти гьалмагъдешличи ва илди гьалмагъдеш цлакъдиклиничли.

Делкун илини дахъал произведениеби, чунира сунес халаси машгурдеш хибти. Дебали хъархъти произведениеби сари поэтла: «Даргала рурсби», «Чехъери», «Дяхила адамти», «Цлуба сайгак», «Варъала шурми», «Гъагултани зак бархъбалтули саби», «Кубачила кулехала дигляндеш», «Хлядурдирухлели ит дуги дебклес», «Оксанани Сягид хъумхлерту», «Култум»ва цархилтира. Илала лер дахъал произведениеби биштла дурхлас делкунтира «Мургъила някъбар Нур-Эддин», «Хала дудеш Хлясбуллагъ».

Нушани «Даргала рурсби» бучлуси саби глурил дус, амма урчлемъибил классла рурсбани бурибхлели ил повестьличила нуни илдазибад жуз сасили белчлунра. Жузлизир лерти ил повестьла хлябал бутла сари. Илбагъандан нуни библиотекализивад каси жуз белчлунра. Наб повесть дебали гляхбизур. Илар чедиахъули сари урегал рурсила глямру. Произведение бучлухлели ну ил заманализи аррухибсин бизур. Дила хлулбала гьалар кадиркути анцлбукъуни сар или гъанбиркулри. Гъарил рурсиличил ну тянишли сарсин билзулри ва илди гъарилличил кадиркути анцлбукъуни набчил кадиркуси тяхляр сабри. Писательли образ асарчебли бетахъес багъандан сунела геройтас анцлбукъуни чердирклули ахлен. Илини мурул адамлисра хъунул адамлисра цагъунти тлалабуни гьаладирхъули сай. Илкъяйда саб

г1ямрулизибра. Чедииркур урк1и ч1умаси. Илгъуна асар бирули бирар гъар Г1ях1мадхан Абу-Бакарла произведение буч1ух1ели.

Москвализир Г1ях1мадхан Абу-Бакрли киноценаристла курсанира делч1ун. Бурес виарар Дагъистайзив ил цаибил сай илди курсани тамандарибси илира. Ил вец1личирра имц1ати фильмла авторра сай. Наб чедаира илала «Чехъери», «Дях1ила адамти», «Кубачила кулехала диг1яндеш», «Къуръа жузла диг1яндеш», «Гумайла духури», «Серминазлис мачни». Илди кинофильмабазирра чедиахъули сари дубулан адамтала г1ямру. Бара кабизурси Совет х1укуматли хъунул адамтас дедибти ихтиюрти, гъар-урла дуркъа г1ядатунала къел-х1ерзи калниличила. Илар чедиахъули сари нушаб хъубзара адамла г1ямру. Совет х1укумат кабизурли г1ергъи илди секъяйда разили цабиубли бузулил. Сен цаличил ца абзбикили халаси сабухъ сархес къяйдуртаг1ир умц1улил. Илди кинофильмаби чедаили г1ергъи, нуни пикрибарира, сегъуна жагаси сабил нушала т1абиг1ят, дубурти, авлахъуни. Шурми далли жагали, кег1ебли, хамли кадизурлири илала кинофильмабазир.

Илала произведениеби ва кинофильмаби машгъурли сари царх1илти улкназирра. Илданира илди чихъли къиматладариб. Илала произведениеби шуртатурли сари урус мезличи ва царх1илти миллатла мезаназира. Илди произведениебазира дурала улкнала халкъ тянишбиуб Дагъистайзиб х1ербирути г1ях1гъубзначил, мурул адамлагъунти ях1ла бег1ти чехъерибачил, нушала культураличил ва г1ядатуначил. Багъур дубурлан адамла г1ях1ялдешличила. Нушала Дагъистайзиб сецад бахъал миллатла адамти уржили цаличил ца х1ербирулил.

Г1ях1мадхан Абу-Бакар Бузерила Х1унт1ена Байрахъ, Х1урматла лишан ва Халкъанала гъалмагъдеш ордентачил наградитьварибсира сай. Северная Осетиялизиб Г1ях1мадхан Абу-Бакарла уличилси кинематографияла шайчибси премия кабизахъурси саби.

Ил машгъурси писатель нушачивад жявли арякъун, амма г1елаб батур сунела лебилра давла. Давлализи халдирулра нунира, царх1илтанира илала бек1аагартти произведениеби, сарира нушала урк1базир муртлисалра кавлутти. Ил нушачивад арякъун урегц1али дусла г1ямруличив. Ну пикририк1улра сецад г1урра илини нушаб произведениеби лук1ил дурхъаси, чевях1си Аллагъли ил нушачив ца камси замана г1урра ватурси виалри. Ил арякъун сунела творчество бег1ла вавалибяхъибси замана. Илала у нушалара, г1ур алк1ути дурх1налара урк1базиб муртлисалра кавлан.

Илини машгъурбариб нушала бишт 1а район, Дагъистан, нушала улка
лебилра дунъяличиб. Г1урра бахъбик1аб илдигъунти г1ях1гъубзни нушала
улкализиб.

Г1ялам г1яшикъбарис

Арякъун Г1ях1мадханра,

Узи агарси дунъя

Батур Мях1яммаддира.

Дунъяличиб машгъурти

Даргала поэтуни

Нушачиб агарх1ели

Урк1би сари хумарли.

Дарманван ца дард бурес

Вахъ камлигу Х1ябибра,

Къушумла авидлизив

Чех1ейулла Къадира.

Г1ях1гъубзнала тјамада

Агара Сулайбанра,

Гъайла урибси уста

Веткахъиб Гъазимбегра.

Г1ялам г1яшикъбарибси
Арякъун Г1ях1мадханра,
Узи агарси дунъя
Батур Мях1яммадлира.

Дунъяличиб машгърти
Даргала поэтуни,
Нушачиб агарх1ели
Урк1би сари хумарли.

Дарманван ца дард бурес
Вахъ камлигу Х1ябибра,
Къушумла авидлизив
Чех1ейулла къадира.

Г1ях1гъубзнала тјамада
Агара Сулайбанра,
Гъайла урибси уста
Веткахъиб Гъазимбегра.

Дунъяличиб машгърти
Даргала поэтуни,
Нушачиб агарх1ели
Урк1би сари хумарли.